



مشتیقت جلیلہ اسلامیکہ جریده رسمیه سیدہ

محرم الحرام سنہ ۱۳۳۹

عدد ۶۳

شمذیلک آیدہ بر نشر اولنور

آلفنجی سنہ

دیندار ایله دینسزك جمعیت بشریه ده کی موقعلری

- ۶۲ نجی نسخه دن مابعد -

اوزمان حق تعالی نك عالم علوی یه ایداع ایلدیکی مسارفدن کندی فکر لرینك واصل اوله مدینی شیلره بو ذاتی مطلع قیلمش اولدیغنی بیلدیلر . بو ذاتك معارف الهیه یی خفیف العقل اولان عوام ایله عقل کامل نظر صحیح صاحبی اولان کیمسه لر دن هر برینك عقل وادرا کنه کوره القا ایلمسه نظر ایدرك آنك طور عقول خارجنده بر نوع فیض الهی یی حائر بولندیغنی وحق تعالی نك کندیلرینه اعطا ایتماش اولدینی علم و قدرتی آکا اعطا ایتمش اولدیغنی ادراك ایتدیلر . بناءً علیه آنك فضیلتنه واوزر لرینه تفوق و تقدمنه قائل اوله رق آکا ایمان و تصدیق و اتباع ایتدیلر . بو ذات دخی آنلره حق تعالی یه تقریب ایدن افعالی تمین ایتدی واللهم بونلره غیب اولان ممکنات مخلوقه سنی و مستقباده کی افعالی بیلدیردی . بعث ، نشور حشر ، جنت ، نار ، خبر نی ده کتیردی .

اینسته بویه جه رسل الهیه اختلاف ازمان و احوال اوزره یکدیگر نی ولی ایتدیلر . هر بری دیگر نی تصدیق ایتدی استناد ایتدکلری اصولده اصلا اختلاف ایتدیلر . کرچه احکام اختلاف ایتشدرد . بناءً علیه شرائع انبیا نزول ایدر کن احکام آنلره برابر زمان و حاله کوره نزول ایتشدرد .

كما قال تعالی لكل جعلنا شرعة ومنهاجا بوصورتله اصول شرائع انبیا هیچ بر نفضله ده اختلاف ایتماش وهپ اتفاق ایتشدرد .

من عندالله مشروع اولان سینست نبویه ایله حکمانك موضوعی و صرف آنلرك نظر و فکر لر ی مقتضاسی اولان سیاست حکمییه یی عقلا یکدیگر نردن تفریق ایدرك سیاست انبیانك اتم و بلا شك من عندالله اولدیغنی و اخبار ایتدکلری امور غیبیه یی قبول ایدرك کندیلرینه ایمان ایتدیلر . عقلا دن هیچ کیمسه بو خصوصده معانده ایتماشدرد . بالکنز علمیه نفسنك خیر نی تقدیر ایتیه رك کندی هواسنه تبعیله ابناء جنسی اوزرینه ریاست مبتلا سی اولان و کندی نفسی ، قدرنی ، ربی بیلیمان مستنادر بناءً علیه عالمده وضع شریعتك اصل و سببی صلاح عالم ایله الهیادن عقلك بالنظر مستقلا ادرا کنه قادر اوله میه جفی علومی بیلمکدر . ایشه کتب الهیه بو علملری بیلدیرمك ایچون نازل و بونلره السنه رسل و انبیا ناطق اولمشدرد .

بوقطه ده عقلای ناس ، کندیلرینک علم باللهک برطاقم مسائلنده ناقص اولدقلرینی
وبوقصانلرینی رسلک اتمام ایتدکلرینی بیلدیلر .

عقلا دیمکله (عصر مزده) حکمت حقنده اداره کلام ایدنلری قصد ایتیمورم عقلا
دیمکله انجق حکمای قدیمه نك اصلاح نفس ایله مشغول و ریاضات و مجاهدات و خلواته
ملازم اوله رق قلوب صافییه وحی اولنان علم عالینک وارداتنه تهیوو انتظاردن عبارت
اولان طریقت و مذهبلیرینه سالک اولانلری قصد ایدیورم ایشته عقلا دیمکله بونلری مراد
ایدیورم . چونکه فکرلرینی انجق اوائلدن صدور ایتیش اولان مواد الفاظده استعمال
ایتیش اولان برسورو لملقه جی لاجی جدلجی کیمسه لر قدماى رجالک الفاظ مذکورده یی
کندیسندن اخذ ایتیش اولدقلری اصل و منبعدن غافلدرلر . بوکون یانمزده اولان شو
آدملرک هیچ بر عاقل یاننده قیستلری یوقدر چونکه بونلر دین ایله استهزا عباد اللهی
استخفاف ایدرلر بونلرک عندنده کندیلرله برابر همحال و عیارلری اولاندن ماعداسنک
اهمیتی یوقدر قلبلرینی حب دنیا طلب جاء و ریاست استیلا ایتیش در آنلر عامی تذلیل
ایتدکلری کی حق تعالی ده آنلری تذلیل و تحقیر ایتیش وجهله دن اولان برطاقم ملوک
وولاتک قبولرینه التجا ایتدرمش در بناء علیه ملوک و ولایه دخی آنلری تذلیل ایتیشلر در
بوقیل کیمسه لرک قولنه اعتبار اولماز چونکه الله بونلرک قلبلرینی مهرله مش ، قولاقلرینی
صاغر ، کوزلرینی کور ایتشدر .

بویاه ایکن آنلر نفسلرینک عندنده افضل عالم اولدقلری یولنده کی بیوک دعوالرندن
واز کچمازلر ، مفتی ماجن مؤمن مقلد بونلردن چوق ای . حالیدر حاسا عاقل اولان هیچ
برکیمسه بونلرک حال و صفتی قبول ایتمز .

بزقدمانک سیرتی اوزره سالک اولانلردن بعض کیمسه لر دیتشدک که بو آدملر ناس اره سنده
پیغمبرانی الک ای طانیان سنن سنیه ، الک حوق تبعیت و محافظه سنه الک شدتلی اهتم ایدن
کیمسه لر در . بونلر حق تعالینک لاله لایق اولان تعظیمی ، و انیسا ایله آنلرک بعض
اتباعه ، معتاد اولان طریق تعلمدن یعنی درس آلوب جانیشمقدن خارج اولارق عقلک
طریق تفکر ایله واصل اوله میه حقی علم الهی اختصاصی ایله ممتاز قیلدیفنی بیانلدر .

— بن بو آدملرک اکابرندن بر ذاتک بکا حق تعالی طرفندن بلا تحصیل مجرد خلوت
مع الله ایله فتح اولنان علومی کوروب رحمت و اختصاص الهی اثری اوله رق علم لدنییه

مظهر اولان برکیمسه نك بولديني زمانده بولوب آني كورديكمن طولاني اللهه حمد ايدرم ديديكني ايشتم .

مشاراليه بوراده كي ذاتدن فتوحانده معرفت انفاس حقنده كي بابه كنديسيله ملاقات ايتديكي ذكر ايتديكي قاضي ابو الوليد بن رشد اندلسي قصدايتمشدر . مشاراليه اوراده موضوع بحث ايتديكي امام مداوي الكلومك علوم واحوالني تفصيل ايدركن (فاخيرني الروح الذي اخذت عنه، ماودعته في هذا الكتاب انه جمع اصحابه يوماً في دسكرة وقام فيهم خطيباً وكانت عليه مهابة فقال افهموا عني ما رمنه لكم في مقامى هذا وفكر وافية واستخرجوا كنز والساع زمانه في اى عالم هو واني لكم ناصح امين وما كل ما يدري يذاع فان لكل علم اهلا يختص بهم وما يمكن الانفراد ولا يسهل الوقت فلا بد ان يكون في الجمع فطر مختلفة واذهان غير مؤلفة والمقصود من الجماعة واحد اياه اقصد بكلامي وببيده مفتاح رمزي فلكل مقام مقال ولكل علم رجال ولكل وارد حال فافهموا عني ما قول وعواما تسمعون فبنور النور اقسمت وروح الحياة وحياء الروح آليت اني عنكم لمنقلب من حيث جئت وراجع الى الاصل الذي عنه وجدت فقد طال مكثي في هذه الظلمة وضاق نفسي بترادف هذه الغمة واني سالت الرحلة عنكم وقد اذن لي في الرحيل فابتهوا على كلامي تعقلوا ما قول بعد انقضاء سنين عنها وذكر عددها فلا تبرحوا حتى آتيكم بعد هذه المدة وان برحتم فلتسرعوا الى هذا المجلس الكرة وان لطف مغناه وغلب على الحرف مغناه فالحقيقة الحقيقة والطريقة الطريقة فقد اشتركت الجنة والدنيا في اللبن والبناء وان كانت الواحدة من ظن وتبين والاخرى من عسجد وجن هذا ما كان من وصيته لبني وهذه مسئلة عظيمة رمزها وراح فن عرفها استراح) ديمشي متعاقب ديشدر كه بن قرطبه ده اورانك قاضي سي ابو الوليد بن رشدك يانه كيردم خلوتمه اللهك بكا واقع اولان فتحنه واقف اولديغنه مبنى نمله ملاقاته رغبت وحقمنده كي ايشدكارينه تعجب ايدىوردى . پدرم برايش ضمنتده واونك نمله بولوشمق ايچون واقع اولان آرزوسنه بناء بني او كا كوندردى چونكه او پدرمك اصدقا سندن ايدى . بن ايسه هنوز يوزى توپلماش بيني ترله ماش بر كنيج ايدم . آنك حضورينه داخل اولديغمنده محبة وتعظيماً بكا قيام ايله معايقه ايتدى وبكا اوت ديدى بن ده جواباً اوت ديدم مقصديني آكلامش اولديغنه مبنى سوشمى آرندى صكره بنم جوابمندن كنديسيني سوينديرن نقطه يي ادراك ايدرك خاير ديدم بوسوز مدن منقبض اوله رقلوني متغير اولدى ويزدنده كي معلوماتك صدق وحقنه شمه ايدرك ديدى كه ايشي كشفده وفيض الهيده فصل بولديكسر نظر وتفكر ك زه بخش ايلديكي شكلك عيني ميدر . جواباً

دیدم که هم اوت هم خایر . اوت ایله خایرک اره سنده ایسه روحلر ماده لرندن ، بویونلر جسدلرندن آیریلیر، اولوقت مشارالیهک رنکی صاراردی . وکندیسنی تیتره مه آلدی . عجز و ناتوانیده قالدی و بنم کندیسنه اشارت ایتدیکم جهتی آکلادی اول جهت مداوی الکوم اولان قطب امامک خطبه سابقه سنده ذکر ایلدیکی سو مسئله نك عیندر .

مشارالیه مکتسبات نظریه سنی بزه عرض ایله موافق ویا مخالف حق اولدیغنی تحقیق ایتک اوزره مؤخر آده بزمه ملاقاتی پدرمدن طلب ایتدی . چونکه کندیسی ارباب تفکر دن ونظر عقلی صاحب لرندن ایدی . بناء علیه (جاهل اوله رق خلوتنه داخل اولوب رکونادرس ویا بحث ومطالعه ویا قرائت اولقمسزین برمشلور خرورج ایله خرورج ایتش اولان برکیمسه یی کورمکه موفق اوله جق برزمانده بولندیغمدنطولانی جناب حقه تشکر ایدرک بو کیفیت بزم اساسا ثبوتنه قائل اولوبده اربابی مشاهده ایتماش اولدیغمز برحال ایدی ایمدی بونک اربابندن اولوب قبالی قبولرینی فتح ایدن برکیمسه نك بولندیغنی بر زمانده بولندیغمدن و اوداتک رؤیتی بکا نصیب ایتدیکسندن طولای اللهی حمد ایدرم) دیدی . صکره بن آنکله برکره دها بولوشمق ایستدم ، حق تعالی طرفدن رحمت اولمق اوزره عالم معناده کورددم که اره مزده انچه بر پرده وار اره سندن بن کندیسنی کورسیورم اوایسه بنی کورمیور و پرده نك ارقه سنده اولدیغمدن خبردار دکل ، بالعکس نفسیه مشغول اوله رق بدن غافل بولنیور . بوواقعه نك اشارتیه اوزرنده بولندیغمز حال ایله مشارالیهک مناسبتدار اولمسی مراد اللهی اولدیغنی بیلدم و آندنصکره تاریخ وفاتی اولان بشیوز طقسان بش سنه سنه قدر آنکله برلشمدم مشارالیهک وفاتی مراکشده وقوعبولدی قرطبه یه نقل اوله رق قبری اوراده بولنمقده در . مشار الیهک تابوتی دابه اوزرینه تحمیل ایدیلیرکن حصول معادله ایچون جانب مقابله کندیسنک تألیقاتی تحمیل ایدلادی . اوصرده بنده بولنیوردم ایاقده طوروب یانمده والی ابوسعیدک کاتبی فقهادن وادبادن ابوالحسن محمد بن جبرایله ارقداشم ابوالحکم عمر بن السراج الناسخ وار ایدی . ابوالحکم جماعته دونه رک امام ابن رشدک دنکنه نظر ایتمیورمیسکنز ایشته امام ایشته اعمالی (یعنی تألیقاتی) دیدی . ابن جبر اوغلم نه کوزل نظر ایتدک آغزک درد کورمه سون دیدی بن دخی بوسوزی موعظه وعبرت اولمق اوزره دفترمه قید ایتدم . الله جمله سنه رحمت ایتسون جماعتدن بدن غیریمی قالدی . بزه بو جهته حکمییه یی شویله جه نظم ایتدک

هذا الامام وهذه اعماله یالیت شعری اهل ات آماله
ایشته امام ایشته اعمالی عجباً حاصل اولدیمی آمالی

حضرت شیخ بوراده ابن رشد ایله صوڪ ملاقاتنده مداوی النكلومك ذكر ایلدیکی مسئلهیه اشارت ابتدکی سوله بور، فی الحقیقه حضرت شیخ ملاقات مذکورده حکایه ایتمزدن اول مداوی النكلوم تسمیه ایلدیکی قطبك تلمیذلرینی صومعهیه جمع ایدرك انلره خطبه و داعیه ایراد ایلدیکنی حکایه ایدوب اول خطبهینی سرد ایتمشدركه بو خطبه نك صوكنده (فالحقیقه الحقیقه والطریقه الطریقه فقد اشترکت الجنة والدنیا فی اللبث والبناء وان كانت الواحدة من طین وتبن والاخری من عسجد ولجن هذا ما كان من وصيته لبنیه وهذه مسئله عظيمة ومنها وراح فن عرفها استراح) جملهلری موجوددر . بوراده حقیقت مسئله عظيمة اوله رق کوستریلان شیء، جنت ایله دنیاك کرپچده وبناده مشترک اولمیدر .

بو مسئله موضوعمرك خارجنده بورایه آنك تفصیلات ومحاكاته مشغول اولمیه جفز . قارئرك خاطرنده دركه موضوعمرك خارجنده بولندیغندن دیندار ایله دینسرك جمعیت بشریه ده کی موقعلیدر؛ حضرت شیخك بالاده کی بیانات عالیه سنده موجود اولوب موضوعمركی تنویر ایدن جمل حکیمه دركه بزى فتوحات مکیه نك سر شریعت بحشی تلخیص ایتمه که مجبور ایتدی .

حضرت شیخ بو محنده [۱] (عقلای ناس توحید ذات الوهیه لازم اولان تنظیم ، تقدیس ، صفات تنزیه ، عدم مثل ، عدم شبهه مثلاً علوم الهیه ایله تفرد ایدرك بونی بیلن بیلیمیانده تعلیم وناسی نظر صحیحیه سوق وتشویق ایتدیلر . عقولك تفکر اتده اوکنده طوروب ایلروسنه کیده میه جکی بر حدی بولندیغنی ایضاح ایتدیلر . بوصورتیه عقول وارباب عقوله حدلرینی بیلدیردیلر اللهك عالم علوی به ایداع ایلدیکی بر طاقم شیلر دخی بولندیغنی اوکرتدیلر) بیورمشلردر .

دیمك ایستیورلرکه صنوف حکما وعقلا آره سنده حکمای الهیوندرکه مادیات وطبیعیاتده منحصر قالمیوب آنلرك فوقنده بر عالم علوی بولندیغنی وبتون عوالمك بر خالق ومدبری اولوب آنك وحدانیت وتنزیهی ادراك ایتمشلردر .

(ما بعدی وار)

اعضادن

سید نسیم

[۱] حضرت بو علام ایله عقل کامل و علم عالی اصحابی اولملریله بالضروره دیندار اولان فلاسفه الهیون قصد بیورمشلردر .